

Qimarnguiit pillugit Namminersornerullutik Oqartussat nalunaarutaat

Inersimasunut paaqqinniffiit immikkut siunertallit pillugit Inatsisartut peqqussutaanni nr. 6-imi, Inatsisartut peqqussutaatigut nr. 5, 11. maj 1993-imeersukkut allannguuteqartinneqartumi, § 4, imm. 1 aamma § 6, imm. 2 naapertorlugit aalajangersarneqarput:

Atuuffissaa

§ 1. Nalunaarummi pineqarput qimarnguiit tassaasut arnanut angutinulluunniit persuttagaasimasunut, persuttagaanissamik soorasaarneqarsimasunut imaluunniit taamaaqataannik ilaqutariinnermut inooqatigiinnermulluunniit tunngatillugu ajornartorsiuteqartunut inissiigallartarfiit.

Imm. 2. Angutit arnallu meeqqanik ilaqarsinnaapput, inissinneqarallarnerminnilu siunnersorneqartassapput, isumassorneqarlutik allatulluunniit ikiorserneqarlutik. Kinaassusermik isertuussilluni qimarnguimmiittoqarsinnaavoq.

§ 2. Qimarnguiit ileqqoreqqusaat imaattut pillugit aalajangersagaqassapput:

- 1) Qimarnguiup siunertarisaa.
- 2) Qimarnguiup aaqqissugaanerata ilusaa aalajangiisinnaassuseqarneralu.
- 3) Qimarnguiup aningaasaqarnerata qanoq aqunneqarnera.
- 4) Ileqqoreqqusat allannguuteqartinneqarnissaanni periusissat.
- 5) Qimarnguik matuneqassagaluarpas taassuma aningaasaataasa qanoq atorneqarnissaat.

Imm. 2. Qimarnguiup ileqqoreqqusai ilaqutariinnermut Naalakkersuisoqarfimmit akuersissutigineqassapput.

§ 3. Qimarnguik imaattunik imaqtartussanik ukiumoortumik nalunaarusiussaaq:

- 1) Ukiup ingerlarnga pillugu nalunaarusiaq.
- 2) Ingerlatsinermi kisitsisit kisitsisitigullu paasissutissat takussutissartaat.
- 3) Ukiumi naatsorsuutit missingersuutillu.
- 4) Ukiumut tulluuttumut siunertarisat iliuusissatullu pilersaarut.

Imm. 2. Ukiumoortumik nalunaarusiaq ukiup aningaasaliiffiusup kingorna 1. marts nallertinnagu ilaqutariinnermut Pisortaqarfimmut nassiuinneqartassaaq.

Akuersissuteqarneq

§ 4. Qimarnguik aaqqissuunneqassaaq najugaqartut meeraqarpatalu meeraat sapinngisamik tamarmik immikkut ineqarsinnaasunngorlugit.

Imm. 2. Uffarfeqarnissamut perusersartarfeqarnissamut igaffeqarnissamut kiisalu isersimaartarfeqarnissamut periarfissaqassaaq.

§ 5. Qimarnguik aaqqissuuneqassaaq imalu pitsaatigitinneqarluni sanaartornermut ikualattoorsinnaanermullu oqartussanit suliffinnillu nakkutilliisoqarfimmit sukkulluunniit akuerineqarsinnaassalluni.

Akuersissuteqarneq

§ 6. Qimarnguik Ilaqutariinnermut Naalackersuisoqarfimmit akuersissutigineqassapput.

Imm. 2. Qimarnguik ingerlatsineq pillugu kommunimik isumaqatigiissusiussaaq, ikinnerpaamik aalajangersakkanik imaattunik imaqartussamik:

- 1) Qimarnguip sulineranut pingaarnerusumik siunertarisaq.
- 2) Qimarnguimmi inissat amerlassusaat illutaallu.
- 3) Sullissinerit neqeroorutillu qimarnguip neqeroorutigisaasa nassuiaataat.
- 4) Innuttaasut qanoq ilillutik qimarnguimmut saaffiginnittarnissaannut periaasissat kikkullu qimarnguimmiissinnaanerat.
- 5) Kommunip nakkutilliinissamut pisussaaffia annertussusaalu,
- 6) Sulisorisat pillugit ingerlatsineq.
- 7) Piffissat ammasarfiit.

Imm. 3. Ingerlatsineq pillugu isumaqatigiissut qimarnguip akuersissutigineqarnissaaq inassuteqaatitalerlugu kommunip Ilaqutariinnermut Pisortaqaarfimmut nassutissavaa.

Imm. 4. Ukiumoortumik nakkutilliineq pillugu kommuni nalunaarusiamik suliaqartassaaq, 1. marts nallertinnagu Ilaqutariinnermut Pisortaqaarfimmut nassuuneqartussamik.

Ingerlatsinermut tapiissutit

§ 7. Qimarnguik najugaqarfimmini ingerlatsineq pillugu kommunimik isumaqatigiissusiorsimasut, Nunatta karsianiit ingerlatsinermut tapiissuteqarfigineqarnissamik qinnuteqaateqarsinnaapput. Ingerlatsinermut tapiiffigineqarnissamik qinnuteqaat Ilaqutariinnermut Pisortaqaarfimmut nassuuneqassaaq, takuuk § 8.

Imm. 2. Nunatta karsia taamaallaat ingerlatsinermut aningaasartuutit matussuserneqarnissaannut tapiissuteqarsinnaavoq.

Imm. 3. Ingerlatsinermut aningaasartuutitut ilaapput:

- 1) Akissarsianut aningaasartuutit.
- 2) Ineqarnermut akiliutitut, kiassarnermut, innaallagissamut, imermut, iluarsaanernut nalinginnaasumillu illunik aserfallatsaaliinernut aningaasartuutit.
- 3) Pequtitik pisinermut aningaasartuutit,
- 4) Allaffeqarnermut aningaasartuutit (telefonip atornerarneranut akiliutit, allakkat poortukkallu, pappiaqqat assigisaallu)
- 5) Atuisunut pinartumik ikiuinissaq pillugu aningaasartuutit.
- 6) Qimarnguip kajumissutsiminnik sulisuisa akissarsiaqarlutillu sulisuisa ilinniartinneqarnerinut ilinniarteqqinneqarnerinullu atatillugu aningaasartuutit.

§ 8. Ingerlatsinermut tapiiffigineqarnissamik qinnuteqaatip imarissavai:

- 1) Ingerlatsinermut missingersuut kommunalbestyrelsip akuerisaa.
- 2) Ukiumoortumik nalunaarut, takuuk § 3.
- 3) Naatsorsuutit kingulliit kukkunersiukkat akuerisallu, imm. 2-imi piumasaqaatinik eqquutsitsisut,

taamaattoq takuuk imm. 4.

Imm. 2. Naatsorsuutit kukkunersiuisumit akuerisamit naalagaaffimmilluunniit akuerisamit kukkunersiorneqarsimassapput atsiorneqarsimassallutik assuarliutitaqassanatillu.

Imm. 3. Qinnuteqaatit 1. marts nallertinnagu Ilaqutariinnermut Pisortaqarfimmi tiguneqartut tapiissutitik agguassinermi ilaatinneqassapput. Qinnuteqaatit 1. martsip kingorna Ilaqutariinnermut Pisortaqarfimmi tiguneqartut tulleriinneri malillugit suliarineqassapput tapiiffigineqassallutillu tamanna aningaasaliissutitigut matussuserneqarsinnaappat.

Imm. 4. Qimarnguiit aallarterlaat naatsorsuutitik nassiussinissamik piumasaqaammi pineqartunut ilaatinneqanngillat.

§ 9. Ingerlatsinermit tapiissutit qaammatisiutit ukiuannut aningaasaliissutaasassapput. Tapiissutit aningaasaliissutigineqartut marlunngorlugit agguarneqassapput, siulliit 1. maj nallertinnagu tunniunneqassallutik, sinnerilu piffissap aningaasaliiffiusup siornani ukiumut naatsorsuutit tiguneqarneranni tunniunneqassallutik. Naatsorsuutit kukkunersiuisumit akuerisamit naalagaaffimmilluunniit akuerisamit kukkunersiorneqarsimassapput atsiorneqarsimassallutik assuarliutitaqassanatillu.

Imm. 2. Nunatta karsiata tapiissutai qimarnguiup ukiumoortumik nalunaarutaa qimarnguiillu ataasiakkaat ingerlatsinermit missingersuutaat kommunalbestyrelsimit akuerisaasut tunngavigalugit aalajangersarneqassapput.

Imm. 3. Aningaasartuutit § 7, imm. 3-imi taaneqartut naapertorlugit Nunatta karsiata tapiissutai amerlanerpaamik qimarnguiup ingerlatsinermit aningaasartuutaasa 50 %-iinig annertussuseqarsinnaapput.

§ 10. Qimarnguiit ataasiakkaat tamarmik piffissamut aningaasaliiffiusumut ukiumoortumik naatsorsuutitik nassiussissapput. Ukiumoortumik naatsorsuutit qaammatisiutip ukiuata tulliani 1. maj nallertinnagu Ilaqutariinnermut Pisortaqarfimmut nassiunneqassapput, takuuk imm. 2.

Imm. 2. Naatsorsuutit kukkunersiuisumit akuerisamit naalagaaffimmilluunniit akuerisamit kukkunersiorneqarsimassapput atsiorneqarsimassallutik assuarliutitaqassanatillu.

Atuutilerfia

§ 11. Nalunaarut ulloq 1.december 2004-mi atuutilerpoq

Imm. 2. Peqatigitillugu Ajornartorsiortunut saaffiginnittarfiit pillugit Namminersornerullutik Oqartussat nalunaarutaat nr. 32, 30. november 1992-imeersoq atuukkunnaarsinneqarpoq.

Namminersornerullutik Oqartussat ulloq 8. december 2004

Asii Chemnitz Narup

/

Bo Gatzwiller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut